

/վարչական վարույթը վերսկսելու և վարչական տույժ նշանակելու մասին/

«14» մարտի 2023թ

ք. Սիսիան

Ես՝ Հայաստանի Հանրապետության պետական եկամուտների կոմիտեի Հարավային մաքսատուն-վարչության պետ Արտաշես Ղամբարյանս, քննելով Իրանի Իսլամական Հանրապետության քաղաքացի Բահրամ Հասսան Հաջիզադեի Դիզաջիի (անձնագիր՝ E52857681, հասցե՝ ԻԻՀ, ք.Մարանդ, Ռեզվան տուն 13) կողմից մաքսային կանոնների խախտում կատարելու վերաբերյալ նյութերը,

Պ Ա Ր Զ Ե Ց Ի

2022 թվականի նոյեմբերի 26-ին ՀՀ ՊԵԿ ՄԴՊՎ ՍՏԲ Մեղրիի բաժանմունքի աշխատակիցները Մեղրիի մաքսային կետ-բաժնի տարածքում զննության են ենթարկել ԻԻՀ-ից ՀՀ ժամանած, ԻԻՀ քաղաքացի Բահրամ Հասսան Հաջիզադեի Դիզաջի կողմից շահագործվող «DIMA H4X2T490C4» մակնիշի, 55AA831/2 պետհամարանիշի բեռնատարը, ինչի արդյունքում, նշված բեռնատարի վարորդի խցիկի քննելու համար նախատեսված տեղից՝ ներքնակի տակից, կողային հատվածում գտնվող իրերի պահման խցիկներից՝ նախապես պատրաստված գաղտնարաններից, բեռնախցիկի ետևի մասում գտնվող ոչ գործարանային բաքից և վարորդի խցիկի տակից հայտնաբերվել է մաքսային հսկողությունից թաքցված 220 լիտր դիզելային վառելիք, 8 հատ 4 լիտրանոց շարժիչի յուղ, 5 հատ 4 լիտրանոց հակասառնեցման հեղուկ /անտիֆրիզ/:

Փաստի առթիվ 26.11.2022 թվականին ՀՀ ՊԵԿ ՄԴՊՎ ՍՏԲ Մեղրիի բաժանմունքի մաքսային տեսուչի կողմից «Մաքսային կարգավորման մասին» ՀՀ օրենքի 313-րդ հոդվածի հատկանիշներով հարուցվել է վարչական վարույթ:

Վարչական վարույթի շրջանակներում մաքսային հսկողությունից թաքցված 8 հատ 4 լիտրանոց շարժիչի յուղի, 5 հատ 4 լիտրանոց հակասառնեցման հեղուկի /անտիֆրիզ/ շուկայական արժեքները պարզելու նպատակով 29.11.2022 թվականին նշանակվել է ապրանքագիտական փորձաքննություն, որի կատարումը, հիմք ընդունելով ՀՀ ՊԵԿ-ի և ՀՀ ԱՆ «Փորձագիտական կենտրոն» ՊՈԱԿ-ի միջև առկա պայմանագիրը, հանձնարարվել է «Փորձագիտական կենտրոն» ՊՈԱԿ-ին:

Ղեկավարվելով «Վարչարարության հիմունքների և վարչական վարույթի մասին» ՀՀ օրենքի 47-րդ հոդվածի 1-ին մասի բ) ենթակետով և 4-րդ մասով 26.01.2023 թվականին վարչական վարույթը երկարաձգվել է մինչև փորձագետի եզրակացության տրամադրումը:

Վարչական վարույթի շրջանակներում ԻԻՀ քաղաքացի Բահրամ Հասսան Հաջիզադեի Դիզաջի կողմից մաքսային հսկողությունից թաքցնելու եղանակով ՀՀ մաքսային սահմանով տեղափոխված ապրանքների մաքսային արժեքները, վճարման ենթակա մաքսային վճարների չափերը և ոչ սակագնային կարգավորման միջոցների կիրառելիությունը պարզելու նպատակով՝ թիվ 362 և 48 մտից համարների զեկուցագրերով հարցումներ են կատարվել ՀՀ ՊԵԿ Հարավային մաքսատուն-վարչության համապատասխան ստորաբաժանմանը:

ՀՀ ՊԵԿ Հարավային մաքսատուն-վարչության մաքսային գործառնությունների բաժնի թիվ 375 մտից համարի տեղեկանքի համաձայն՝ 2022 թվականի նոյեմբերի 26-ի դրությամբ 220 լիտր դիզելային վառելիքի մաքսային արժեքը կկազմեր **85466** ՀՀ դրամ, նույն տեղեկանքի համաձայն ԵՏՀ 21.04.2015 թվականի թիվ 30 որոշմամբ դիզելային վառելիքի նկատմամբ կիրառվում են ոչ սակագնային կարգավորման միջոցներ:

ՀՀ ՊԵԿ Հարավային մաքսատուն-վարչության մաքսային գործառնությունների բաժնի թիվ 69 մտից համարի տեղեկանքի համաձայն՝ 2022 թվականի նոյեմբերի 26-ի դրությամբ 8 հատ 4 լիտրանոց շարժիչի յուղի մաքսային արժեքը կկազմեր **48000** ՀՀ դրամ, 5 հատ 4 լիտրանոց հակասառնեցման հեղուկի /անտիֆրիզի/ մաքսային արժեքը կկազմեր **19000** ՀՀ դրամ, նույն տեղեկանքի համաձայն վերոնշյալ ապրանքների նկատմամբ ոչ սակագնային կարգավորման միջոցներ կիրառելի չեն:

«ԵՏՄ մաքսային օրենսգրքի» 2-րդ հոդվածի 1-ին մասի 25-րդ ենթակետի համաձայն՝ «Միության մաքսային սահմանով ապրանքների անօրինական տեղափոխում» է համարվում ապրանքների տեղափոխումը Միության մաքսային սահմանով այն վայրերից դուրս, որոնցով, սույն Օրենսգրքի 10-րդ հոդվածին համապատասխան, պետք է կամ կարող է իրականացվել ապրանքների տեղափոխում Միության մաքսային սահմանով, կամ այդ վայրերում գտնվող մաքսային մարմինների աշխատանքային ժամանակից դուրս, կամ մաքսային հսկողությունից թաքցնելու կամ ապրանքների ոչ հավաստի հայտարարագրման կամ չհայտարարագրման կամ ապրանքների վերաբերյալ ոչ հավաստի տեղեկություններ պարունակող փաստաթղթեր օգտագործելու միջոցով և (կամ) նույնականացման՝ կեղծ կամ այլ ապրանքներին վերաբերող միջոցներ օգտագործելու միջոցով:

«Մաքսային կարգավորման մասին» ՀՀ օրենքի 301-րդ հոդվածի համաձայն՝ «Մաքսային կանոնների խախտում է համարվում անձի կատարած անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության պետական սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության»:

«Մաքսային կարգավորման մասին» ՀՀ օրենքի 313-րդ հոդվածի համաձայն՝ «Հայաստանի Հանրապետության պետական սահմանով մաքսային հսկողության ներքո գտնվող ապրանքների տեղափոխումը՝ մաքսային հսկողությունից թաքցնելով՝ գաղտնարանների օգտագործմամբ, ապրանքների հայտնաբերումը դժվարացնող այլ եղանակներով կամ ապրանքներին այլ տեսք տալու միջոցով՝ հանցագործության հատկանիշների բացակայության դեպքում՝ առաջացնում է տուգանք՝ **այդ ապրանքների մաքսային արժեքի հիսուն տոկոսի չափով, բայց ոչ պակաս, քան մեկ միլիոն դրամի չափով**»:

ԻԻՀ քաղաքացի Բահրամ Հասսան Հաջիզադեի Դիզաջիին Իրանի Իսլամական Հանրապետություն, ք.Մարանդ, գ.Փայամ հասցեին ուղարկվել է գործի քննության վերաբերյալ ծանուցագիր, սակայն հետադարձ ծանուցումը կամ չստացված ծրարը փոստային ծառայության կողմից հետ չի վերադարձվել:

«Հայփոստ» ՓԲԸ-ի պաշտոնական կայքէջի /<https://www.haypost.am/>/ ուսումնասիրությունից պարզվել է, որ ԻԻՀ քաղաքացի Բահրամ Հասսան Հաջիզադեի Դիզաջիին ուղարկված ծանուցագիրը առաքվել է փոստային բաժանմունք:

ԻԻՀ քաղաքացի Բահրամ Հասսան Հաջիզադեի Դիզաջիի ՀՀ-ի հասցեն պարզելու նպատակով՝ հարցում է կատարվել ՀՀ Ոստիկանության անձնագրային և վիզաների վարչությանը:

Ի պատասխան հարցման ՀՀ Ոստիկանության անձնագրային և վիզաների վարչությունը տրամադրել է տեղեկատվություն առ այն, որ քաղաքացի Բահրամ Հասսան Հաջիզադեի Դիզաջիի հաշվառման վայրի վերաբերյալ տվյալներ առկա չէ:

Քաղաքացի Բահրամ Հասսան Հաջիզադեի Դիզաջիի սահմանահատումների պատմությունը ստանալու նպատակով՝ 13.03.2023 թվականին հարցում է կատարվել ՀՀ ՊԵԿ Ներքին անվտանգության վարչությանը:

Ի պատասխան հարցման ՀՀ ՊԵԿ Ներքին անվտանգության վարչությունը տրամադրել է սահմանահատումների վերաբերյալ տեղեկատվություն՝ համաձայն որի քաղաքացի Բահրամ Հասսան Հաջիզադեի Դիզաջիին 12.03.2023 թվականին ժամը 05:23-ին Ագարակ պետական սահմանի անցման կետով մուտք է գործել ՀՀ:

«Մաքսային կարգավորման մասին» ՀՀ օրենքի 332-րդ հոդվածի համաձայն՝ «Մաքսային կանոնների խախտումների վերաբերյալ գործը քննվում է պատասխանատվության ենթարկվող անձի մասնակցությամբ կամ «Վարչական իրավախախտումների վերաբերյալ» Հայաստանի Հանրապետության օրենսգրքի 267-րդ հոդվածով սահմանված դեպքերում՝ տվյալ անձի բացակայությամբ:

Մաքսային կանոնների խախտումների վերաբերյալ գործը կարող է քննվել սույն հոդվածի 1-ին մասում նշված անձի բացակայության դեպքում, եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության պետական սահմաններից դուրս»:

Հիմք ընդունելով և ղեկավարվելով «Մաքսային կարգավորման մասին» ՀՀ օրենքի 313-րդ, 322-րդ, 332-րդ հոդվածներով և 334-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Իրանի Իսլամական Հանրապետության քաղաքացի Բահրամ Հասսան Հաջիզադեի Դիզաջին «Մաքսային կարգավորման մասին» ՀՀ օրենքի 313-րդ հոդվածով սահմանված մաքսային կանոնների խախտում կատարելու համար ենթարկել վարչական պատասխանատվության՝ տուգանել **1 000 000 ՀՀ դրամ**:

2. Որոշման մասին հայտնել քաղաքացի Բահրամ Հասսան Հաջիզադեի Դիզաջիին:

3. «Մաքսային կարգավորման մասին» ՀՀ օրենքի 334-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից:

4. «Մաքսային կարգավորման մասին» ՀՀ օրենքի 334-րդ հոդվածի 4-րդ մասի համաձայն Վարչական տույժ նշանակելու մասին մաքսային մարմինների որոշումը կարող է բողոքարկվել «Մաքսային ծառայության մասին» օրենքի 37-րդ հոդվածով սահմանված կարգով որոշումը ուժի մեջ մտնելու օրվանից՝ երկու ամսվա ընթացքում:

Սույն որոշմամբ նշանակված տուգանքի վճարման հաշվեհամարն է. 900005024055' 1 000 000 ՀՀ դրամ /մեկ միլիոն դրամ/, նշել 30 կողք:

ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ
ՄԾ ԳՆԴԱՊԵՏ

A stylized handwritten signature in blue ink, consisting of several fluid, overlapping strokes.

ԱՐՏԱՇԵՍ ՂԱՄԲԱՐՅԱՆ